



Broj: 01/5-50-1-6-38/09
Sarajevo, 14.7.2009. godine

Z A P I S N I K
38. sjednice Komisije za saobraćaj i komunikacije,
održane 14.7.2009. godine

Sjednica je održana 14.7.2009., s početkom u 15,15 sati.

Sjednici su prisustvovali članovi Komisije: Branko Dokić, Šemsudin Mehmedović, Selim Bešliagić, Husein Nanić i Sadik Bahtić.

Opravdano su odsustvovali: Slavko Matić, Savo Erić, Mehmed Suljkanović i Željko Kuzmanović.

Iz Ministarstva komunikacija i prometa BiH prisustvovao je Kojo Koprivica, pomoćnik ministra. Sjednici je prisustvovao i sekretar Komisije za saobraćaj i komunikacije Ahmed Jalovičić.

Sjednicom je predsjedavao Branko Dokić, predsjedavajući Komisije.

Za sjednicu je predložen sljedeći

D N E V N I R E D

1. Usvajanje Zapisnika 37. sjednice Komisije;
2. Razmatranje prijedloga Vijeća ministara BiH za imenovanje članova Vijeća Regulatorne agencije za komunikacije BiH;
3. Tekuća pitanja.

Dnevni red usvojen je jednoglasno.

Ad. 1. Usvajanje Zapisnika 37. sjednice Komisije

Zapisnik 37. sjednice usvojen je jednoglasno, bez primjedbi.

Ad. 2. Razmatranje prijedloga Vijeća ministara BiH za imenovanje članova Vijeća Regulatorne agencije za komunikacije BiH

Predsjedavajući je otvorio raspravu u kojoj su učestvovali svi članovi Komisije i Kojo Koprivica, predstavnik Ministarstva komunikacija i prometa BiH.

Nakon rasprave, Komisija, s četiri glasa “protiv” i jednim “za”, nije prihvatila prijedlog Vijeća ministara BiH za imenovanje članova Vijeća Regulatorne agencije za komunikacije BiH.

S dva glasa “protiv”, dva “suzdržana” i jednim “za”, Komisija je odbila prijedlog Sadika Bahtića da se ne prihvati prijedlog Vijeća ministara BiH za imenovanje članova Vijeća Regulatorne agencije za komunikacije BiH.

Na prijedlog Huseina Nanića, Komisija je, s tri glasa „ za “ i dva „ protiv “, usvojila sljedeći zaključak:

Predlaže se Predstavničkom domu da odgodi izjašnjavanje o prijedlogu Vijeća ministara BiH za imenovanje članova Vijeća Regulatorne agencije za komunikacije BiH i to do konačne odluke po zahtjevu Regulatorne agencije za komunikacije BiH za autentičnim tumačenjem člana 36. st. 2. i 3. i člana 40. stav 1. Zakona o komunikacijama („Sl. glasnik BiH“, 31/03 i 75/06) i okončanja zakonom propisane procedure potvrđivanja imenovanja generalnog direktora Agencije.

Ad. 3. Tekuća pitanja

Kako nije bilo pitanja, predsjedavajući je zaključio sjednicu u 15,30 sati.

SEKRETAR KOMISIJE
Ahmed Jalovičić

PREDSJEDAVAJUĆI KOMISIJE
dr. Branko Dokić